

Módi ki N Pode Djuda Polinizadoris?

#ClimateBites

Apoia polinizadoris é un kuza bunitu 🐝

Alterason klimátiku pode ser prijudisial pa bedjera y otus polinizador, ki é menbrus isensial di nos ekosistéma lokal. Arandu, un plantason inpurtanti li na Massachusetts, ta depende di bedjera y otus polinizador pa pruduson. Bu pode faze diferénsa na bu kintal, si bu planta un jardín favorável a polinizadoris, ku floris nativu.

Opsons di *Bumble Bouquet*

🌸 *New England Aster*

🌸 *Butterfly Milkweed*

🌸 *Partridge Pea*

🌸 *Ox Eye Sunflower*

🌸 *Black Eyed Susan*

[Atxa más informason sobri polinizadoris y plantason atravêš di nos parseria ku #GrowingWild.](#)



Kunpra Prudutus Lokal pa Apoia Propriedadis Agríkula Lokal

Kunpra Prudutus Lokal pa Apoia Propriedadis Agríkula Lokal

Kónpra di prudutus lokal ta apoia agrikultoris di Massachusetts y klima 🛒

Lokal pamódi? Un sistéma alimentar lokal fórti signifika un abastesimentu konsistenti di alimentus. Un sistéma alimentar lokal fórti ta garanti abastesimentu di alimentus más siguru, más konsistenti y más rizilienti pa jerasons futuro. Pikénus mudansa ta faze un grandi diferénsa. vizita propriedadis agríkula y merkadus di agrikultoris lokal, pa bu intxi bu pratu ku prudutus di Massachusetts.

[Apoia Massachusetts Grown... and Fresher! Vizita mapa di MassGrown y bu ta atxa merkadus di agrikultoris y propriedadis agríkula na bu zóna.](#)



Agrikultoris di Massachusetts É Eróis di Klima

Teknolojia klimátiku ta prumove un klima más saudável 🚜

Txeu propriedadi agríkula di Stadu dja implimenta prujétus di inerja solar y teknolojia intilijenti. Utilizason di teknolojia klimátiku intilijenti ta rizulta na maior ifisiénsia di rikursus, inkluidu popansa di águ y riduson di fertilizanti y inerja.

Ali sta alguns manera ki agrikultoris di Massachusetts ta mante #intilijenti en termus di klima:

- 👉 Prujétus di inerja rinovável
- 👉 Kaptason di águ di txuba
- 👉 Agrikultura di plantason dirétu, pa midjora fertilidadi di sólu
- 👉 Sistémas di konpostajen, pa riduzi dispirdísiu agríkula

Agrikultoris ki ta utiliza teknolojia klimátiku intilijenti é eróis di klima! Na bu prósimu vizita, pergunta bus agrikultor lokal módi ki es ta utiliza teknolojia klimátiku intilijenti.



Dispirdísu di Alimentus (réstus di kumida) y Konpostajen

Konpostu: kes 'réstu' ki nu ka ta dispirdisa 🍌🗑️

Odja módi ki konpostu ta apoia un klima más saudável:

- 🔑 Riduson jeral di dispirdísu (réstus)
- 🔑 Ta midjora saúdi di sólu
- 🔑 Ta abzorve karbónu na sólu
- 🔑 Ta midjora kapasidadi di plantason di mante águ
- 🔑 Ta riduzi erozon

Propriedadís agríkulá di Massachusetts ta faze konpostajen di matirial orgániku, pa el pode ser aplikadu na sólu, stimulandu plantason saudável y prudutivu. Apoia propriedadís agríkulá di Massachusetts, konprandu prudutus lokal y através di partisipason na prugramas di konpostajen di pikénu skala, na kaza.



Riduzi Bu Pegada di Karbónu

Riduzi bu pegada di karbónu 🐾

Na 2024, más di 10.000 katxor y 7.000 gatu foi inportadu di otus párti di país, enkuantu milharis di animal na abrigus di Massachusetts ta spéra pa ten un kaza. Ka bu sô kunpra prudutus lokal, adota animal di stimason di Mass., tanbe. Pensa global, adota lokal!

Organizasons privadu ten ki sta rijistadu na MDAR, pa garanti saúdi y siguransa di tudu animal ki adotadu na Stadu. [Bu ta atxa un lista konplétu di abrigus lokal lisensiadu y más informason sobri prusésu di adoson na nos *website*.](#)

